

docriver 文川网
古籍书城
入驻商家
获取更多电子书
在文川网搜索古籍书城

中國方志叢書·華中地方·第二三六號

據

清·黃桂修，宋驥纂
清康熙十二年修光緒二十九年重刊本

影印

安徽省

太平府志



藏書
20104

成文出版社有限公司印行



8920105

中國方志叢書·華中地方·第二三六號

據

清·黃桂修，宋驥纂
清康熙十二年修光緒二十九年重刊本

影印

安徽省

太平府志



成文出版社有限公司印行



10094213

中華民國六十三年十二月臺一版

太平府志

全二冊

發行人：黃

成

助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

敬遵康熙原本

太平府志

光緒二十九年
用活字板重印

重印太平府志序

太平者迺淳之丹陽宋之姑孰
歷代之名勝也惟郡之志詳自
前明至

國朝康熙乾隆後踵修之凡夫
疆域之形勢山川之秀麗人物

太平府志卷之二

之奇偉圩塘之修葺閘津橋
梁之建置祀典學校之興廢
以及職官選舉歷代宦績與
行孝義隱逸事蹟暨藝文祥
雲具載郡志以之可攷焉予於
辛丑冬奉

命簡守是邦迨次歲壬寅夏四月

下車伊始採風問俗考其山川詢
其疾苦探閱郡志僅庫存康熙
間舊志一部為半缺矧詢
都人士均以兵燹板為灰燼書
無遺存來告予亟召諸紳語

太平府志卷之二

以志者誌其詳也若一遺失
安何以徵獻何以考疆域何以
藉典制何以遵則往者何所聞
來者何所紀而褒美獎善之
典無所顯闡徵揚幽之舉無所
與閭郡之憲章亦無從祖述

也於教化風俗所關者尤甚鉅焉
能不修哉法紳曰不惠無書而
惠無款歲雖豐而商賈微郡
雖安而人民苦法紳視予有
難色復有以聚陳續印為請者
字係前皖南道袁公捐情府

署文廟公款英洋五百元又孫
存公款本洋貳百元先為墊用
俟書成後交之孫分領每部
價本洋五元餘之知教法官紳
分領繳價款無失而志有成此
一舉而兩善備予序之曰可至

於採訪幽貞遺蹟頭揚孝義法
行增補而損益之當待後之君
子以及賢有司焉予不汝贅故
摺草誌法巔末曷亦序焉
云尔

光緒二十有九年歲次癸卯菊秋

欽加三品銜賞戴花翎前戶部山西
司郎中賞加一級

特授安徽太平府知府瀋陽周炳撰

重印太平府志序

太平者迺淳之丹陽宋之姑孰
歷代之名勝也惟郡之志詳自
前明至

國朝康熙乾隆後踵修之凡夫
疆域之形勢山川之秀麗人物

之奇偉圩塘之修葺閘津橋
梁之建置祀典學校之興廢
以及職官選舉歷代宦績與
行孝義隱逸事蹟暨藝文祥
異具載郡志以之可攷焉予於
辛丑冬奉

命簡守是邦迨次歲壬寅夏四月

下車伊始採風問俗考其山川詢
其疾苦探閱郡志僅庫存康熙
間舊志一部為半缺矧詢
都人士均以兵燹板為灰燼書
無遺存來告予亟召諸紳語

以志者誌其詳也若一遺失
安何以徵獻何以考疆域何以
藉典制何以遵則往者何所聞
來者何所紀而褒美獎善之
典無所顯闡徵揚幽之舉無所
與閭郡之憲章亦無從祖述

皇清康熙歲次癸丑菊月之吉參議改補江南太平府知
府加一級前通政司參議外轉貴州分守思仁道布
政司參議三韓黃桂撰

太平府志

續序

三

太平府志序

今

皇帝御歷以來自土中又萬方民大和會赫然下

詔書郡縣各修葺志乘不逾年而太平府首告竣太平府自禹貢分壤揚州汜周而有吳有越有楚干戈擾攘沿革亡常後漢六朝為畿輔地隋唐及宋迺分三邑而元明因之

興朝改步吏習民安號稱太平良不虛已且太平固吳會之上游也左天門右牛渚鐵甕直其東石頭枕其北於天文躔斗三度石申有言魁星明盛則王道和平將相同心今者

太平府志卷

卷一

大一統而中外承流非其券哉抑不曰聖人有金城比物比志卽一郡中山川形勝何所巡監守令何績戶口賦幾何額鄉賢名宦幾何等忠孝節烈幾何輩與夫關梁何守風俗何先星野災祥何驗學校陵祠何廢何興藝文方伎何醇何駁凡有專城之責者不可不厝意焉而以鑑既往核方來志乘尤亟矣太平之有志也六朝以迨宋元若存若亡自洪武至嘉靖修之今又百五十餘年兵燹騷然文獻不足幾使金陵重鎮半沈於郭公夏五豈不深可慮哉幸

聖主重曜百度維新泉材賢協於其職而三韓黃刺史出其武庫以任總裁當事者相與編纂而較定之洵斗

躔炳瑞其在斯乎其在斯乎 不敏奉

簡書觀文南畿而因寓延陵觀樂之思流覽是志風教備焉彼鍾學使之失煩視藩司之失畧都無其累卽

文事以占 國運將與諸大夫登橫山而勒石臨長江而釀酒拜手 颺言以賀太平端自今日始

大清康熙十二年癸丑中秋

賜進士出身提督江南通省學政按察使司僉事加一

級前戶部四川清吏司郎中兵部職方清吏司督捕

司員外主事加一級

欽差山東己酉科典試甬東虞二球撰

太平府志卷

卷一

太平府志序

古列國皆有史如晉之乘楚之檮杌亦史書也自列國廢爲郡縣於是史之權獨領詳朝廷而郡縣以志稱志以備史之採擇故志詳而史畧粵稽歷代纂修國史往往取各郡志以爲張本郡無信志國何以有信史雖曰貞淫竝列史示勸懲志則紀善不紀惡職褒不職貶然而郡乘之體非徒以識天時人事物產之異宜考戶口財貨賦役之消長稽山川城郭官舍廟祀之廢興而已其大者乃在於明政教之得失識人物之盛衰察風俗之升降舉忠臣孝子廉吏節婦凡一代奇偉之人與烈烈可傳之事例得大書特書

太平府志卷

於以正人心而崇獎道德則志雖職褒而勸懲具備抑有風教之事焉今太平古丹陽地密邇金陵據上游形勝轄邑僅三於江左爲小郡而山川蟠互科第蟬聯聲名文物之盛甲於吳會已久郡志一修於弘治鍾學使城再修於正德祝參政鑾議者謂鍾之失煩祝之失畧迄

今上御極之十有一年

聖天子有纂修通志之典 前守黃公延訪宿儒詳加釐定美而不溢華而不浮樸而不俚彬彬乎質有其文在蹟不患榛蕪舊章無憂泯沒矣辛巳冬予以曹郎出守是邦未數年士服先疇農安畎畝守者顧而樂

之而猶恐政令之未盡善教化之未盡孚也乃蒐郡乘循環披覽其於建置沿革之故天文地理官常名物之類遐誼博採原委井然至有關於政教人物之大端則尤三致意焉蓋政教者風俗之本也人物者風俗之倡也古今來忠孝貞廉節烈足以砥礪頹風維挽薄俗前之君子旣已表厥懿徽光昭國史俾觀者油然而勃然興起感發其與古先聖王旌淑別慝激濁揚清之意抑復何殊耶余承乏茲土其所爲治民人理繁劇蚤夜兢兢莫得少遑闕失亦推廣是書之旨借以潤色太平蓋文章之與政事用各不同而其源本則一也是書之神益治道豈淺鮮哉故拜手而

太平府志卷

弁數語於簡端以爲盛朝黼黻休明之一助昔皇清康熙歲丁亥桂月之吉勅授中憲大夫知太平府事加三級高陽李敏迪撰

太平府志序

粵稽禹貢分列九州州紀其山川疆域咸則三壤而周禮職方氏因之於人民男女穀畜之數加詳焉是郡志所由昉也若夫東南靈淑擅自揚州六朝佳麗肇於建業故今太平古姑孰地地界會城踞上遊勝槩予行部觀風竊覽其山川人物毓秀標奇洵文獻名區也環部諸郡以近志次第上者過半而太平仍踵百餘年前陳牒近代無傳焉索其故則曰姑孰羅明季軍燹後故老凋謝舊籍沈蕪長民者屢議續輯而有志未遑誠兢兢乎慎之也恭逢

興朝誕敷文教

太平府志

徐序

世祖章皇帝實錄告成旌

俞纂修通志之請煌煌寶錄等諸珙璧矣而外史弗飭

奚以壯

皇圖垂永禩乎歲壬子予督秋闈畢懷承憲檄董諸

郡守集腋成裘從事汗青而繕竣獨先者惟太平郡

志予樂觀其盛不可以無言則亦言其志之大綱而

已矣如建置為社稷之憑依其因革不可不志也戶

口為邦家之根本其登耗不可不志也人才為朝廷

之楨幹其盛衰不可不志也吏治為民生之休戚其

美刺不可不志也太平自

皇清綏定以來土宇版章踵舊制也宜志其因畝滄齒數

洋原額也宜志其登升書射策亮天功也宜志其盛

戶封屋比軫氓依也宜志其美至於沿風窺雅則邇

其正始觸目警心則攬其興亡其間各德義流才人

淑媛或有捐軀殉難之忠或有刲股守墓之孝或如

孔融之食果取小毋媿弟道或如共姜之栢舟靡他

無忝母儀可砥鬻俗而振頽風者棲心茲編莫不昭

示來許矣他如土物技能諸屬皆餘目也似可無志

然仰遵

聖天子博採旁稽之至意遴而存之以備輔軒採擇焉是

亦陳詩觀風者所必及也予不憚擊節陳詞以為師

帥人倫者勸

太平府志

卷

徐序

崑

康熙歲次癸丑菊月江南等處承宣布政使司布政使

三韓徐國相撰

太平府志原序

郡有志制也志太平者舊矣莫得而究其始也弘治丁巳一修於憲副鍾君城衍爲二十卷正德丙子再修於膳部鳴和祝君鑿約爲十卷歷十有三年爲嘉靖戊子西泉林侯鉞來守茲郡明年鳴和致大參政以歸二公有同年之雅議續前志然未果也越五年予訪鳴和於太平鳴和曰子知志所以修乎予應之曰夫郡古國也志古史也紀往微來有監之道焉監善而知勸監惡而知懲有訓之道焉仲尼嘆杞宋之無徵而悉意於春秋良有以也是故志與地以昭封志宮室以昭居志職官以昭治志學校以昭教志武

太平府志

原序

備以昭威志祠祀以昭報六事備而生物遂焉于是乎志食貨矣養既足而民日庶焉于是乎志人物矣性近習遠而德藝有等倫才同時異而選舉有高下此紀載者所當備也若夫因封以思守因居以思奠因治以思隆因教以思成威思振祭思誠養思充賦思均習思變選思公此有司者所當盡也是故志貴詳詳而不節其失也浮事貴覈覈而不精其失也誕胡然而監胡然而訓即此有司與紀載者均之有責焉耳矣誌可忽乎鳴和聞而喜曰善哉言也可以續吾志矣吾子其圖之乃言於林侯林侯復以爲善交贊力委義不容辭而勉從事是舉也主之者林侯輔

之者一守向公正三守李公從龍推府黃公仕隆而

張君一厚招君宗廣曹君贊乃令邑而共命者也諛隱蹟於耆黎究遺事於積牘察公是於閭閻而定論於鄉之大夫士悉取裁於鳴和泉善之集可謂詳而節覈而精矣雖然惕乾風夜比類屬詞求無媿于大邦不得罪于良史璧也則又曷敢不殫厥心哉嘉靖十年七月之吉九峯山人鄭璧書

太平府志

原序

二

太平府志原序

正德丙子歲前守周侯伯承重修郡志鑿僭執筆焉
迄今十有五年矣缺者當增後者當續訛者當正畧
者當詳冗者當剔不無有俟於後之君子也乃今侯
西泉林公與鑾有同年之雅間嘗語及志事欲修而
未果居無何九峰山人鄒子至遂設館於萬壽寺之
東明軒敦禮授簡於九峯焉九峯不得辭廼殫心力
窮晝夜稽載籍咨者舊詢草野既罔不周矣乃酌古
定例提綱彙目具草以質於西泉公公曰善請終圖
之越三月而書成鑾閱之再則缺者增矣後者續矣
訛者正矣畧者詳矣冗者剔矣美而不溢華而不浮

太平府志

卷

原序

一

T

質而不俚有古良史之風焉粵惟往年鑿修志時值
王程方亟草率就編或矯前之非而太過或執己之
見而未審至今思之不覺顏汗幸賴西泉公之功及
九峯子之力獲成新志用雪舊愆幸莫大矣或曰是
編也視舊體裁去取若相抵牾子之心無乃未安乎
鑾喟然歎曰天下之事所以不克同心協一俾底於
有成者各用其私焉耳矧夫志史也史公天下之書
也天下以爲是吾從而是之天下以爲非吾從而非
之吾惟求其當而已烏知夫出於人也推是
心也可以理天下事矣奚啻志哉或者無以應而退
遂漫書以爲新志序

嘉慶十九年九月之吉前進士廣西布政司參政郡
人祝鑾序

太平府志

卷

原序

二

T

修志文移

總督江南江西等處地方文武事務兼理糧餉操江
兵部左侍郎兼都察院右副都御史麻 爲遵

諭條奏事康熙十一年閏七月十五日准 禮部咨開儀

制清吏司案呈奉本部院禮科抄出該本部題覆少
師兼太子太師戶部尚書保和殿大學士加二級衛
奏前事等因康熙十一年七月初一日奏本月初六

日奉

旨這應進講書籍知道了餘着該部議奏欽此欽遵於七

月十一日到部除各部事宜應聽各該部議覆外該
臣等議得保和殿大學士衛 疏稱各省通誌宜修

太平府志

文移

如天下山川形勢戶口丁徭地畝錢糧風俗人物疆
圍險要宜彙集成帙名曰通誌誠一代之文獻也迄

今各省尙未編修甚屬缺典何以襄我

皇上興隆盛治乎除河南陝西已經前撫臣賈漢復纂修
進 呈外請

勅下直省各督撫聘集風儒名賢接古續今纂輯成書總
發翰林院彙爲

大清一統誌等因前來查直隸各省通誌關係一代文獻

除河南陝西二省已經前撫臣賈漢復纂修進

呈外其餘直隸各省通誌請

勅下各該督撫詳查山川形勢戶口丁徭地畝錢糧風俗

人物疆圍險要照河南陝西通誌款式纂輯成書到
部之日送翰林院彙爲

大清一統誌恭進

睿覽可也等因康熙十一年七月二十四日題本月二十
七日奉

旨依議欽此欽遵抄部送司奉此相應移咨案呈到

部移咨到部院准此擬合就行爲此牌仰該府官吏
照牌開准 部覆奉

旨內事理欽遵即詳查該府并轉行所屬州縣如山川形
勢戶口丁徭地畝錢糧風俗人物疆圍險要彙集成
帙送布政司照河南陝西通誌款式纂輯成書呈送

太平府志

文移

本部院暨 撫院查核訂政以憑咨送 禮部毋得
遲延玩視速須至牌者

康熙十一年閏七月十九日

巡撫安徽甯池太廬鳳滁和廣等處地方都察院右
副都御史加一級寶支一品俸斬 爲遵

諭條奏事康熙十一年閏七月十六日准 禮部咨開儀

制清吏司案呈奉本部送禮科抄出該本部題覆少
師兼太子太師戶部尚書保和殿大學士加二級衛
奏前事等因康熙十一年七月初一日奏本月初六

日奉

旨這應進解書籍知道了餘着該部議奏欽此欽遵於七

月十一日到部除各部事宜應聽各該部議覆外該
臣等議得保和殿大學士衛 疏稱各省通誌宜修
如天下山川形勢戶口丁徭地畝錢糧風俗人物疆
圍險要宜彙集成帙名曰通誌誠一代之文獻也迄
今各省尚未編修甚屬缺典何以襄我

皇上興隆盛治乎除河南陝西已經前撫臣賈漢復纂修
進

呈外請

勅下直省各督撫聘集風儒各賢接古續今纂輯成書總
發翰林院彙爲

大清一統誌等因前來查直隸各省通誌關係一代文獻
太平府志卷 文 十一

除河南陝西二省已經前撫臣賈漢復纂修進
呈外其餘直隸各省通誌請

勅下各該督撫詳查山川形勢戶口丁徭地畝錢糧風俗
人物疆圍險要照河南陝西通誌款式纂輯成書到
部之日送翰林院彙爲

大清一統誌恭進

睿覽可也等因康熙十一年七月二十四日題本月二十

七日奉

旨依議欽此欽遵抄部送司奉此相應移咨案呈到

部移咨到院准此擬合就行爲此仰府官吏照牌備
咨奉

旨內事理即便轉行所屬各縣將山川形勢戶口丁徭地
畝錢糧風俗人物疆圍險要照河南陝西二省通
誌款式造成簿書呈送以憑咨送
禮部轉送翰林院彙進

睿覽毋得故違速須至牌者
康熙十一年閏七月二十二日

又牌爲遵

諭條奏事康熙十一年又七月十六日准 禮部咨移纂

修通誌應聘風儒各賢接古續今纂輯成書以憑彙
送 內部隨經通行欽遵在案但事關一代文獻非
可草率而成務必應聘真正風儒各賢秉公彙集庶

太平府志卷 文 十一

無益之事不致濫載而果有關於風化地方人情之
事無不備錄矣本院訪聞向來纂修府州縣志書常
有勢豪之家多捏虛事而詳載其寒微之輩果有
勒不朽者反多遺棄而不傳此皆在秉筆者之操權
也今奉

旨纂造通誌又非泛常可比與其駁詰於事後不若失言
於事前所有應聘風儒各流合亟檄查錄報以憑核
奪爲此仰府官吏照牌事理即將纂修通誌應聘風
儒各流是何姓名果否能持衡秉公文到該府即將
姓名出身緣由先行錄報以憑核奪倘或濫舉匪人
充數以致事跡顛倒失真查出責有所歸慎切慎切

docsriver 文川网
入驻商家 古籍书城

在文川网搜索古籍书城 获取更多电子书

須牌

康熙十一年十月三十日

江南安徽等處承宣布政使司徐 為遵

諭條奏事閏七月十九日奉

總督部院麻

憲行康熙十一年閏七月十五日准

禮部咨題前事等因備行到司奉此除將原行抄粘外擬合就行為此仰府官吏遵照

憲行奉

旨內事理速將該府屬詳查山川形勢戶口丁徭地畝錢糧風俗人物疆圍險要彙集成帙一樣三本彙送本司以憑照河南陝西通誌款式纂輯成書呈送

太平府志

文錄

五

總督部院訂政咨送 禮部此係

欽件立有定限該府毋得泛視自取其咎速須稟

康熙十一年閏七月十四日

江南安徽甯池太廬鳳滁和廣等處提刑按察使司正堂加二級終 為遵

諭條奏事案蒙

總督部院憲牌前事除全牌抄粘外合即轉行為此仰府官吏查照來文粘單事理即便轉行所屬之縣將各屬山川形勢戶口丁徭地畝錢糧風俗人物疆圍險要做照河南陝西二省通誌款式造成簿書每二卜簿呈送本司以憑轉送各憲咨送 禮部轉送

翰林院彙進

唐覽文到即速遵行毋得遲違未便須稟

康熙十七年閏七月二十四日

提督江南通省學政簡 為遵

諭條奏事奉

總督部院麻 憲牌前事等因到道奉此擬合就行為此牌仰該府官吏牌開

院行 部覆奉

旨內事理欽遵轉行所屬詳查山川形勢戶口丁徭地畝錢糧風俗人物疆圍險要該府彙集一樣二部送道以憑彙移 藩司纂輯轉送

太平府志

文錄

六

總督部院核訂施行毋得遲延玩視慎速慎速須至牌者

康熙十一年八月初二日

整飭江南通省驛傳鹽法道按察使司副使加一級王 為遵

諭條奏事康熙十一年閏七月十九日奉

總督部院麻 憲牌前事等因到道奉此合行查取為此牌仰該府官吏遵照 憲行事理即便轉行所屬詳查山川形勢戶口丁徭地畝錢糧風俗人物疆圍險要并本處東西至某處若干里詳悉確訂明晰彙集一樣三套字畫務要端楷不得草率差訛上緊呈

送本道以憑轉移

布政司照河南陝西通誌款式纂輯成書呈送

禮部院查核咨 部此係奉

旨事理毋得泛視違延慎速慎速須至牌者

康熙十一年閏七月二十六日

江南太平府為遵

諭條奏事奉

江南安徽等處承宣布政使司正堂加二級徐信牌

內開七月十九日奉

總督部院麻 憲牌康熙十一年七月十五日准

禮部咨題前事等因備行到司奉此除將原行抄粘

太平府志

卷

七

外擬合就行為此仰府官吏遵照 憲行奉

旨內事理速將該府屬詳查山川形勢戶口丁徭地畝錢

糧風俗人物疆圍險要彙集成帙一樣三本彙送本

司以憑照河南陝西通誌款式纂輯成書呈送

禮部院訂政咨送 禮部此係

欽件立有定限該府毋得泛視自取其咎等因粘抄到

府隨該 府遵即備行所屬當燕繁三縣屢催纂輯

去後續據三縣呈詳等情各申到府據此該 府查

纂修誌書一案查太平府屬僅燕繁二縣存有舊誌

雖今日之錢糧丁徭不符往昔而山川形勢尤有可

考者惟當塗縣誌與太平府誌自逢兵燹之後板帙

無存憑何稽考今奉纂修勢必聘集各儒親詢耆碩

先將府誌與當塗縣志俱各採擇刊 帙此是一

番特創必需多以時月方可告竣非若修葺舊誌可

以計日造送似應先行申詳明白者也況今當燕繁

三縣俱各詳請河南陝西誌書式樣以便纂修理合

轉請

憲臺俯賜頒發庶有成式可考便於纂輯至若修誌有

費雖係通省之事

憲臺自有主裁何容 府置喙但府誌與當塗縣誌又

係重新纂輯非與有舊誌者可比或令各官及士民

官輸或

太平府志

卷

八

憲臺統請別項錢糧支用一併詳祈

憲奪批示以便遵行除詳 督學道外為此今備前由

另具書冊合行具申伏乞

照詳明示遵奉施行

康熙十一年八月二十八日

布政司徐批

河南陝西通誌款式見在關取候移送至日通飭做

照至於府誌并當塗縣誌既稱舊板無存仰速留心

訪查舊編遺跡一應稅糧典故續至近年而止敦請

耆宿纂集底書以備彙訂其一切工料費用各守之

責也無庸議及士民捐輸仍候

學道示行繆

學道簡批

修誌 部文開令各該府州將所屬山川糧稅與風

俗人物等項集送 藩司炤河南陝西通誌款式纂

輯成書再送

鑿各部院核訂並未有通誌款式到道該府遵照原行

彙集可也至於修志係奉

旨盛典一切用費自應於各該地方設法不便擅議別項

錢糧仍候

藩司批示行繳

又太平府爲道

太平府志

卷

文後

九

十

諭條奏事奉

巡撫安徽甯池太廬鳳滁和廣等處地方都察院右副

都御史加一級實支一品俸斬 憲牌內開康熙十

一年閏七月十六日准 禮部咨移纂修通誌應聘

夙儒各賢接古續今纂輯成書以憑彙送 內部隨

經通行在案但事關一代文獻非可草率而成等因

奉此先奉

本部院憲行前事隨該 府遵卽轉行本府儒學聘取

各儒纂修去後催據本府儒學宋驥同稱遵依陸續

延訪詳加遴察本府鄉官葛天驊係蕪湖縣人順治

己丑科進士歷任江西贛州府知府又選得鄉官張

畢宿係當塗縣人順治丁亥科進士原任江西瑞州

府上舉縣知縣又訪得本學生員陳醇儒端肇震當

塗縣學生員喻爾訓繁昌縣學生員郝煌俱各素行

端方熟諳典故通達時宜堪以膺茲重任等情具申

到府據此合將修纂府誌姓名具文申報爲此今備

前由先行具報

憲臺查奪施行

太平府志文後終

太平府志

卷

文後

十

十一

太平府志

凡例

一舊志自明嘉靖修後將百五十年兼郡邑屢經兵燹文獻無徵師心固不容立異而附和尤無取尋聲故考核雖精立言須慎第

興王收物百度維新明制攸存皆足備夏殷之監故志中既主揚挖

本朝而於前代亦不敢過為疏畧庶幾當世得失之林不廢考古鏡今之義

一志先闕考原欲展卷瞭然況姑孰山水險要為江左重地圖之不悉猶無圖也今總繕分繪各極其詳而

太平府志

九例

以江防圖附之以補從前所未備則依古攻守所在可考而知不獨游觀紀勝也

一建置沿革歷代分屬無常而勢礫六朝為甚考古者稍涉淆亂則一切皆承訛襲舛矣今據歷代正史分析考辨用年表例出之而以建置為經職官為緯上下數千年間諸務灼如指掌矣

一星野災祥舊志過畧茲特稽考詳確凡有關府屬者必書亦敬天勤民之微意也

一職官原與建置沿革相表裏惟六朝疆域分屬不常故守令所轄亦為屢變細按晉宋以來史書地志以本郡專轄為定其年與地所不隸者盡行刪正不敢

附會傳譌遺議大雅若舊志鍾學憲幾于詳而龐雜失次視藩參偏于畧而漢晉無稽今謹據班史年表例始自漢宣迄于今代臚列井井用備大觀

一國家因地建官守令為重故職官特詳之至巡方監司雖屬統轄而駐節之區實在姑孰附志于後不敢繁遺至首領佐幕之外巡司大使等屬舊乘不載緣已收入縣志例不瑣陳至各官則不論其官秩之崇卑惟取宦績有各斯土者志之即一節可傳亦必注數語於職官之下以功德在人不容漸滅且使後起者有所鼓舞而觀型也若夫人雖大賢而於本郡無補志中亦不得濫及焉

太平府志

九例

一公署學校係郡邑冠冕茲現存者書已廢者亦書蓋典者既不欲其或廢而廢者更望其復興凡屬扁額之司幸無傳舍之視

一鄭夾深之言曰州縣之設有時而更山川之形千古不易故志山川較他項獨逸然名勝所在精神面目寫照在字句間非若古蹟寺觀闢津橋梁止載緣起與廢而已故志中於山川一則鑠景紀事叙述倍詳一戶口田賦悉依康熙十二年新定賦役全書府總縣分簡明詳著其從前賦役亦附於後以備參稽至養馬一事操撫李部院三縣置田實為萬世不刊之政茲特采田冊以垂不朽其餘別款亦得附見云

一 人物不難考古而難於徵今其已登舊志者久有定論茲續集者甯刻無濫非才品素著不敢漏入其有一行可稱而不及特傳者已附記科貢之下做職官名宦之例至孝義節烈名教攸關市恩濫徇則礙於法立心刻薄則違於理茲於載在郡邑舊志及已經旌獎者廣爲摻入分別立傳以闡幽光其有潛德未揚亦必確採與情用昭公道

一 物產祝志所載固草畧不足道而鍾志詮注亦鄙俚矣倫今先用大註聯貫總提以概產爲多以閒產爲有分作兩項下各用小註以圈別之非敢餽餉以後博也亦欲格物之功先自近始云

太平府志

卷一

凡例

三

一

一 姑孰人文蔚起藝文近篇不啻充棟今登選者惟取往誌佳篇并寓公名詠細心接集若郡屬時賢恐掛漏遺嫌概不敢入

一 志書原以接古續今而太平舊志以年遠未修事多遺軼兼今

憲檄刻期告竣共事者考訂雖費苦心采輯實虞疏漏匡缺補殘於繼起者尤有望焉

太平府志凡例終

太平府志目錄

卷之一

圖考

卷之二

建置沿革

卷之三

星野 詳與附山川

卷之四

疆域 形勢附鄉社圩埠塘廟市鎮統附

卷之五

風俗

太平府志

卷之一

目錄

卷之六

城池 武備江防關津橋梁

卷之七

街巷 坊名

卷之八

封爵

卷之九

戶口

卷之十

田賦 上府總

卷之十一

田賦中 三縣

卷之十二

田賦下 學田廠田馬田鹽課江夫關稅舊制賦役衛屯

卷之十三

物產

卷之十四

職官一 府屬

卷之十五

職官二 府屬當塗縣屬

卷之十六

職官三 蕪湖縣屬繁昌縣屬

太平府志

卷之一

目錄

卷之十七

職官四 四學教授巡方兵備道武職雜職附

卷之十八

公署

卷之十九

學校 書院社學附

卷之二十

選舉上 府屬

卷之二十一

選舉中 當塗縣屬繁昌縣屬

卷之二十二

選舉下 繁昌縣屬

卷之二十三

祠祀

卷之二十四

陵墓

卷之二十五

古蹟 亭翁寺觀附

卷之二十六

名宦

卷之二十七

人物上

太平府志 卷之一

目錄

三

卷之二十八

人物下

卷之二十九

孝義

卷之三十

列女

卷之三十一

流寓

卷之三十二

隱逸

卷之三十三

方伎

卷之三十四

仙釋

卷之三十五

藝文一 節製賦序

卷之三十六

藝文二 記

卷之三十七

藝文三 記表疏檄文公稷論頤養論書說題詞賦專

卷之三十八

藝文四 詩

太平府志 卷之一

目錄

四

卷之三十九

藝文五 詩詩餘

卷之四十

禠辨 備遺附

太平府志目錄終

太平府志

纂修姓氏

總裁

參議改補太平府知府三韓黃 桂漢柱甫

監修

江防同 知臨清劉沛引松舟甫

督糧通 判臨潼李茂華賓實甫

提調

當塗縣 知縣應城寇明允念劬甫

蕪湖縣 知縣三韓馬汝驍天行甫

繁昌縣 知縣三韓梁延年九如甫

太平府志

卷

姓氏

編纂

太平府 儒學 教授高郵宋 驥龍谿

原任江西贛州府知府蕪湖葛天驊影菴

原任江西上高縣知縣當塗張畢宿兆蘇

太平府 儒學生 員 端肇震燧承

陳醇儒蔚宗

當塗縣 儒學生 員 喻爾訓空同本年正貢

繁昌縣 儒學生 員 郝 煌仲知

校訂

當塗縣 儒學 訓導廣陵史以徵靜菴

督梓

當塗縣 縣丞 相興 童欽韶鳳儀

太平府志纂修姓氏終

太平府志

姓氏

二

增修太平府志

增修姓氏

總裁

太平府知府加三級高陽李敏迪循吉甫


編纂

江甯 庠 士曹守謙為光

太平府志增修姓氏

太平府志


姓氏





圖考


周禮職方掌天下之圖以辨九州則邦國有圖依古
 然矣太平星躔斗度地控吳楚上游延袤所及澤統
 山環其大槩也中間都邑之連屬形勢之險易山川
 之脈絡會歸棟宇之陰陽向背非一披圖能瞭焉心
 目乎採風者省方觀民辨宜任地於繪事是賴焉儻
 曰泛覽流觀供卧游選勝具也非為

聖天子守土者所敢出矣志圖考






圖治府平太



圖宮學府平太



docsriver 文川网
入驻商家 古籍书城

在文川网搜索古籍书城 获取更多电子书

